

मना थारी नींदडली ने निवार,  
ओ तो जग झूठों रे संसार ॥

ऊगे सो ही आतवे रे,  
फूले सो कुम्हलाय,  
बणिया देवल गिर पड़े रे,  
जन्मे सो मर जाय,  
मना थारी निंदडली ने निवार,  
ओ तो जग झूठों रे संसार ॥

सोने रा गढ़ कोट बण्यां रे,  
सोने रा घर बार,  
रती एक सोनो नहीं मिल्यो रे,  
रावण मरती बार,  
मना थारी निंदडली ने निवार,  
ओ तो जग झूठों रे संसार ॥

हाथों पर्वत तोलता रे,  
भूमि रे मरती भार,  
ऐड़ा ऐड़ा नर माटी मिल्या रे,  
सुरता करो विचार,  
मना थारी निंदडली ने निवार,  
ओ तो जग झूठों रे संसार ॥

एक पलक नहीं चालती ओ,  
चाली कोस हजार,  
काशी पुरी रे चोवटे रे,  
हरिचन्द बेची नार,  
मना थारी निंदडली ने निवार,  
ओ तो जग झूठों रे संसार ॥

सेर सेर सोनो पेहरती ओ,  
मोतीड़ा मरती भार,  
घड़ी एक झोलों बाजियों रे,  
घर घर री पणिहार,  
मना थारी निंदडली ने निवार,  
ओ तो जग झूठों रे संसार ॥

ऐड़े खेड़े ठीकरी रे,  
माटी घड़े रे कुम्हार,  
काज़ी मुहमद यू भणे रे,  
हरि भज उतरो पार,  
मना थारी निंदडली ने निवार,  
ओ तो जग झूठों रे संसार ॥

मना थारी निंदडली ने निवार,  
ओ तो जग झूठों रे संसार ॥

स्वर मुरलीधर जी महाराज ।  
प्रेषक रामेश्वर लाल पँवार ।  
आकाशवाणी सिंगर ।

9785126052

Source: <https://www.bharattemples.com/mana-thari-nindali-ne-nivar/>



# Bharat Temples

Complete Bhajans Collections - Download Free Android App

<https://play.google.com/store/apps/details?id=com.numetive.bhajans>

Facebook: <https://www.facebook.com/bharattemples/>

Telegram: <https://t.me/bharattemples>

Youtube: <https://www.youtube.com/channel/UC24oJCxZJyhhKzSUD-Lt9Tw>